

n.º 19

Q. D. B. V.

DISSERTATIO INAUGURALIS MEDICA
DE
**MORBO NIGRO
HIPPOCRATIS**

QUAM
DEO PRÆSIDE
CONSENSU
ILLUSTRIS FACULTATIS MEDICÆ
PRO LICENTIA



*SUMMOS IN ARTE MEDENDI HONORES
AC PRIVILEGIA DOCTORALIA MORE MAJORUM
RITE CAPESSENDI*

DIE VIII. JUNII ANNI MDCCLXI.
SOLENNI ERUDITORUM CENSURÆ SUBMITTIT

THEOBALDUS MATTHÆUS GASSER
HAGENBACHENSIS-ALSATA
AA. LL. ET PHILOS. MAGISTER.

ARGENTORATI TYPIS JOH. HENRICI HEITZII UNIV. TYPOGR.

VIRO REVERENDO
DOCTRINA, PIETATE, ALIARUMQUE VIRTUTUM
CONSPICUO
DOMINO DOMINO
MORANDO HERSCH
RECTORI & PAROCHO
VIGILANTISSIMO
IN DAMMERKIRCH
AVUNCULO SUMMOPERE COLENDO
HAS PAGINAS
IN CULTUS ET OBSERVANTIÆ TESTIMONIUM
D. D. D.

THEOB. MATTHÆUS GASSER.



§. I.



QUI suo satisfacere cupit officio Medicus practicus, non frequentiorum & quotidie obviorum tantum, sed & rariorum nec sæpius occurrentium Morborum causas, medendique genuinam methodum cognitae perspectasque habere tenetur. Et religio & privatum Medici commodum practicæ hujus regulæ rationem stabiliunt. Pessime enim & suæ conscientiæ & famæ consulit, qui ex artis ignorantia in præsentaneum vitæ discrimen ægrotantes præcipitat. Inprimis vero juniores Medici praxin exercitaturi dicta modo cognitione probe instructi esse debent; ita enim haud raro, si rarior forte fortuna morbus in praxeos limine statim curandus sese illis offerret, insigne ex felici ejus sublatione & praxeos & famæ augmentum percipere possent. Hæc ex parte me induxere, ut præsens de Morbo Nigro thema inauguralis speciminis loco pro ingenii modulo elaborare & publico atque amico conflictui submittere mecum constituerim.

§. II.

Morbum nigrum inter rariores, quibuscum confictari solent miseri mortales, affectus jure meritoque referri, vel exinde saltem elucescit, quod ex tanta Pathologorum cohorte perpauci Auctores in suis scriptis eundem descripsere. Primus, quantum ego quidem scio, & unde forsan morbi nostri epitheton derivandum est, eundem delineavit HIPPOCRATES (a) sequentibus a Fœsio latina civitate donatis verbis : „ Bilem
 „ atram tanquam fecem vomit, interdum quidem velut sanguinem, interdum vero velut vinum secundarium, quandoque etiam velut Polypi (piscis) atramentum, quandoque acidum tanquam acetum, nonnunquam vero salivam & pituitam tenuem, nonnunquam bilem ex viridi pallidam. Et cum nigrum quidem cruentum vomuerit, cædem olere videtur, fauces & os ex vomitu incenduntur, dentes obstupefcunt, & quod vomitione rejectum est, terram attollit, cumque vomuerit, paulo melius habere videtur, neque sine cibo esse, neque copiosorem cibum ingestum ferre potest. Verum cum jejunus fuerit, viscera strepitum edunt, & saliva acescit. Ubi vero cibum sumpsit, pondus in visceribus percipitur, pectus & dorsum tanquam stilis pungi videntur, latera dolor detinet, febris levis est, caput dolet, oculis non videt, crura gravantur, color nigricat & imminuitur. Huic medicamentum purgans crebro propinato, & serum & lac, si anni tempus ferat, & cibis abstineat dulcibus, oleosis & pinguibus, utaturque quam maxime frigidis, & alvum subducentibus, caput purgato, & post potiones medicamentorum per superiora purgantium, nisi debilis fuerit, sanguinem ex brachio detrahito. Quodsi alvus non deiciat, molli infuso subluito. Crapula & venere abstineat, sed si venere utatur, jejunus foveatur, & sole abstineat, neque multum exerceatur, neque deambulet, calida non lavet, acria non edat, neque falsa. Quæ
 „ cum

„ cum feceris, cum ætate etiam morbus fugit, etiamſi corpus
 „ ad ſenectutem comitetur. Si vero denigretur, ad mortem
 „ uſque comitatur.

(a) *De Morbis Lib. II. Sect. V. p. m. 486. Eſ^o ſeq. Edit. Fœſſi
 Francoſ. 1624.*

§. III.

In deſcripta modo noſtri affectus Hiſtoria Hippocrates quidem ſanguinis quandoque velut Polypi piſcis atramentum nigri, cadaveroſi odoris, fauces & os adurentis, dentesque obſtupeſcientis, quandoque acidi, quandoque pituitoſi, quandoque bilioſi vomitu tantum rejeſti mentionem facit. Sed ex obſervationibus in quorundam Præcticorum ſcriptis conſignatis conſtat, non ſolum per ſuperiora, ſed & per inferiora (b) ſimul, imo quandoque per alvum tantum (c) nigram talem cruentam materiam evacuari. Denominationem morbus noſter non a nigro cutis colore, ſed peccantis materiæ excretæ nigredine obtinuit. Foreſtus (d) eundem vomitum melancholicum, vel atræ bilis appellat: innixus ſine dubio falſæ veterum opinioni, qui ſuccum quendam melancholicum atrabilarium in Liene generari autumabant; ſed noſtris ſanioribus temporibus hæcce veterum ſententia tanquam imaginaria e medicorum ſchola diu exploſa eſt. Conſtat enim verum Lienis officium eſſe ſanguinem reſolvere & attenuare, eumque ſpiſſo Venæ Portæ ſanguini in Hepate admiscere, quem diluit, ſicque a coagulo & ſtagnatione præſervat, bilisque ſecretionem promovet. Quando vero liber ſanguinis ex Liene ad Hepar tranſitus variis ex cauſis impeditur, in Liene accumulatur, per vaſa brevia ad ventriculum regurgitat, hujus vaſa pedetentim dilatatur, aperitur, & in ventriculi cavum deſtillat, ex eo vel coagulatus, atro-rufefcente colore tinſtus, cum magna quandoque phlegmatis aut inſipidi aut viſcidi quantitate

tate mixtus, vel mora corruptus, putrefactus, & atro atque piceo colore tinctus vomitu postea rejicitur.

- (b) WELSCH. *Curat. medicin. Dec. IV. Curat. V. p. m. 183. PLATERUS Observat. Libr. III. p. m. 779.*
 (c) *Recueil period. d'Observ. de Med. Eccl. Tom. VI. Febr. 1757. p. 86.*
 (d) *Observat. Eccl. Curat. medicinal. Libr. XVIII. Obs. XVII. p. m. 96.*

§. IV.

Est ergo Morbus niger internarum hæmorrhagiarum species, in qua sub insigni virium prostratione, & concurrentibus haud raro lipethymiis sanguis per dilatata sanguiferorum vasculorum ostiola in ventriculi intestinorumque cavum excretus, mora nigricans, corruptus & cadaverosus de se spargens odorem vel per superiora, vel per inferiora, vel per utramque viam simul excernitur.

§. V.

Præcipua itaque signa, quibus noster ab aliis quandam analogiam cum eo habentibus morbis distingui potest, sunt:
 1) Insignis virium prostratio & lipothymia: 2) Nigricantis corrupti & cædem olentis sanguinis per vomitum & alvum excretio; de quo ultimo signo tamen notari vellemus, quod excreti sanguinis consistentia, color, sapor & odor per accedens diversis ex causis variare possunt. Quo diutius enim extravasatus primis in viis cruor stagnat, eo spissior, nigrior atque graveolentior evadit, & contra. Sic & alii humores, succus v. g. gastricus, intestinalis liquor, vel pancreaticus in majori minorive eidem admixti quantitate, ut sanguinem modo, modo secundarium vinum, modo polypi piscis atramentum colore & consistentia referat, efficiunt. Primam regionem si acidum obsidet, id quod hypochondriaci perquam familiare, acidum tanquam acetum rejectus vomitu sanguis sapit

sapit. Biliofa repleto faburra ventriculo, amarum concipit
saporem, & ex viridi pallido tingi colore potest.

§. VI.

Nigricantem, putridum, per superiora & inferiora reje-
ctum sanguinem inter pathognomonica nostri morbi signa (§.
præced.) retulimus, quodque peccans hæcce materia ratione
quarundam qualitatum diversis ex causis & *per accidens* variare
possit, innuimus. Erronea multis hæcce sententia atque Hip-
pocratis descriptioni (§. 2.), saltem secundum FOESII versio-
nem contraria videri potest. Dicit enim divus senex, vel po-
tius FOESIUS, quod hoc morbo correpti *atram bilem tanquam*
fecem, interdum *velut* sanguinem &c. vomant; atræ bilis vo-
mitus ergo pathognomonicum nostri morbi signum est, &
sanguis eadem ex ratione ut acidum, saliva, tenuis pituita &
ex viridi pallida bilis per accidens tantum evomitur. Huic
objectioni, præter ea quæ de bile atra (§. 3.) jam monuimus,
sequentia opponimus: FOESII M. S. quo ad suam versionem
utebatur, annotante WELSCHIO l. c. p. 184. non ex optimis
erat; alii enim interpretes non *μέλαιναν ἐμέει*, sed *μέλαινα ni-*
γρα, aut *μέλαν nigrum* legunt. Præterea quomodo FOESIUS,
sub adjectivo *μέλαιναν nigram*, substantivum *χολὴν bilem* sub-
intelligendum esse, evincere possit, non videmus; ubicunque
enim HIPPOCRATES in suis scriptis atræ bilis mentionem fe-
cit, non solo utitur adjectivo *μέλαινα*, sed simul addit sub-
stantivum *χολή (e)*. Vertendum ergo erat: Nigra vel Nigrum
vomit tanquam fecem &c. Hancce nigricantem vero mate-
riam corruptum putridumque sanguinem esse partim ex iis,
quæ (§. 3.) diximus palam fit, partim ex infra (§. 9.) dicen-
dis elucescet.

(c) Confer. Aphorif. Sect. IV. 22. 23. & 24. Sect. VII. 68.
Coac. 68. &c.

§. VII.

Magnam noster morbus tam ratione præcipuorum symptomatum, quam respectu sedis & causæ I. cum *Vomitu cruento* habet affinitatem, & gradu tantum ab eo differre videtur. In utroque enim morbo punctorio aut tensivo sinistri hypochondrii dolore excruciantur ægrotantes, sæpiusque lithymis corripuntur, ventriculus morbi sedem constituit, & a male affecto Liene pendet; differunt vero inter se respectu qualitatis peccantis materiæ. In cruento vomitu concretus tantum & atro-rufescens cruor peccantem constituit materiam; in nostro vero morbo corruptus plane putridus & graveolens sanguis excerni solet.

II. Major observatur differentia inter nostrum malum & *Dysenteriam*: in hac enim sanguinis excretionem crudelissima antecedunt & concomitantur tormina totum intestinorum canalem pervagantia, cum intolerabili tenesmo, acuta adest febris, morbusque contagii non expers; in nostro vero non ita sunt atroces dolores, imo quandoque nullis plane stipatæ sunt cruciatibus (f) dejectiones, abest febris acuta, nec contagio infamis est.

III. Differt porro Morbus niger a *Cholera*, in qua quidem itidem eruginosa, nigra, acidissima sæpius fereque corrosiva materia, & ipse sanguis nonnunquam vomitu rejicitur, ac acutissimos intestinorum conjunctos habet dolores rosionesque præcipue supra-umbilicum, acuta simul adest febris, veramque excreta materia bilem constituit.

IV. Et a *Fluxu hæmorrhoidali* malum nostrum discrepat, fluidus enim, non fœtens sanguis vel cum fecibus, vel absque his ex hæmorrhoidalibus vasis hoc fluxu præsentem per anum excerni solet.

V. Nec cum *Fluxu hepatico*, sub quo dejectiones carnis loturæ similes sunt, confundi morbus noster debet.

VI. Neque cum eo sanguinis vomitu, qui improvidum draastico-

drafticorum ufum; aut affumta corroſiva venena excipere ſolet, unum eundemque conſtituit morbum noſter; hoc in caſu enim ex eroſis ab emetici aut veneni acribus particulis ventriculi vaſculis ſanguis non foetens provenit.

VII. Tandem etiam notandum, quod in *Hypochondriaciis* quandoque nigræ contingant dejectiones, quæ eo facilius nos in errorem ducere poſſunt, ut illas cum noſtro confundamus malo, cum hypochondriacum malum ſæpius corpus ad nigrum morbum prædiſponat; ſed nigricans hæc hypochondriacorum materia conſiſtentia pici potius quam corrupto & putrido ſimilis eſt ſanguini, inſigniter quidem foetet, non tamen cadaverofum de ſe ſpargit odorem, & revera nihil aliud eſt, quam naturalium excrementorum maſſa, quæ diuturna ſua ſtagnatione & mora in inteſtinis ſummum putredinis gradum attingit (g).

(f & g) *Recueil periodique d'Obſervat. de Medecin l. c.*

§. VIII.

Non ſolum vero ab aliis morbis ſed & inter ſe malum noſtrum differt, & quidem

I. Ratione *ſedis* Morbi: quandoque enim in ventriculo tantum, quandoque in inteſtinorum canali, quandoque in utriſque organis ſimul hæret (§. 3.)

II. Ratione *qualitatis* excretæ materiæ peccantis: interdum corruptus & putridus ſanguis ſolus, interdum cum acido, aut bile, aliove fluido mixtus excernitur (§. 2.).

III. Ratione *ſymptomatum*: varia & gravia quandoque conjuncta habet ſymptomata (§. 2.) quandoque vero præter virium proſtrationem & lipothymias nihil habent ægrotantes, de quo conquerantur (§. 7. n. 2.)

§. IX.

Proximam morbi noſtri cauſam ſanguis in ventriculi inteſtino-

stinorumque cavum effusus, mora corruptus & putrefactus constituit. Quando enim variis ex causis, mox recensendis, progressivus sanguinis per Lienem, Hepar, venæque Portæ systema motus impeditur, necessario tam in ventriculi vasis, brevibus scilicet, gastricis & epiploicis, quam Intestinorum a Vena Portæ ventrali oriundis accumulari & stagnare debet, unde hæc vasa ultra naturalem suam diametrum pedetentim distenta tandem aperiuntur, contentumque sanguinem in ventriculi intestinorumque cavitatem dimittunt, in qua ob diuturnam stagnationem putrescit & acris redditur, nervosque horum organorum stimulando efficit, ut per superiora & inferiora postea excernatur. Eo facilius hancce sanguinis putrefactionem concipere poterimus, si perpendamus: 1) Venæ Portæ sanguinem multis imprægnatum esse particulis oleosis, & propterea ad corruptionem admodum proclivem. 2) Sanguinem ob allegatum modo impeditum in Venæ Portæ ramificationibus circulum atque stagnationem insignem jam, ante eruptionem ad putredinem concepisse diathesin. 3) Sanguinem extra circulationis limites hærentem, accedente insuper loci calore facillime in foedam putredinem resolvi.

§. X.

Ad prædisponentes causas referri debent.

I. *Plethora*. hac enim præsentē sanguifera vasa nimium dilatantur, eorundem tonus debilitatur, sicque solidorum in fluida reactio infringitur, intestinus & progressivus humorum motus retardatur, sanguis spissescit, in vasis, præcipue Venæ Portæ ramificationibus, in quibus per se jam lente satis moveri solet, stagnat, accumulatur, tandemque per dilatata vasorum oscula viam sibi in Ventriculi Intestinorumque cavum parit.

II. *Temperamentum Sanguineo-Melancholicum*, in quo fluida spissa solida quantitate multum exsuperant, & solida laxa nimis

mis in fluida sufficienter reagere eaque propellere nequeunt.

III. *Ætas provectior* in qua ob solidorum nimiam rigiditatem fluidorumque spissitudinem humorum circulus lente procedit, unde sanguinis stagnationi ansa præbetur.

IV. *Malum hypochondriacum, hystericum, intermittentes Febres* perversa methodo citius justo suppressæ. Hisce sub circumstantiis enim frequentes intestinorum spasmi & obstructa imi ventris viscera sanguinis in Venæ Portæ ramificationibus circulo obicem ponunt, & stagnationibus portam pandunt.

V. *Mensium ob ætatem cessatio* in plethoricis, Superfluus enim sanguis ut plurimum tunc superiora versus ad Hepar & Lienem ruit, in hisce visceribus stagnat & accumulatur, tandemque in ventriculi & intestinorum cavum viam sibi sternit.

§. XI.

Occasionales causa sunt:

I. Aëris subitanæ vicissitudines, calidi scilicet in frigidum & frigidi in calidum mutatio, qua æqualis & liber sanguinis circulus insigniter turbatur, unde, præsentē potissimum plethora, facile ad hanc vel illam partem cum impetu ruere, & ex nimium dilatatis vasculis prorumpere potest.

II. Cibi flatulenti, qui ventriculum & intestina distendendo liberum sanguinis circulum intercipiunt. Spirituosi potus abusus, qui non solum sanguinem inspissando stagnationibus ansam præbet, sed & eundem nimium agitando hæmorrhagiis favet.

III. Nimius somnus & sufficientis motus defectus, unde solida non tantum labefactantur, sed & fluida inspissantur; ita & nimius atque vehementior motus fluidiora dissipando sanguinem inspissat, & orgasmum excitat.

IV. Naturales sanguinis evacuationes suppressæ & artificiales consuetæ neglectæ plethoram generando, vel præsentem adaugendo morbum nostrum producere valent. Idem quo-

que de nimia venere, quæ nervosum systema debilitando solidorum robur insigniter infringit, sanguinemque exæstuat, dicendum.

V. Haud parum quoque ad generandum Morbum nigrum, contribuunt graviora animi pathemata, ira scilicet, & tristitia. *Animi exandescencia* quippe sanguinis circulum nimium accelerat, & spasmos in hepate primisque viis excitando liberum sanguinis circulum in his partibus impedit. *Terrore* sanguis ex partibus externis interiora versus repellitur, unde viscera nimia sanguinis copia quasi inundantur. *Tristitia* primas vias debilitando sanguinis stagnationi & eruptioni in eandem cavum ansam præbet.

§. XII.

Qui dicta hætenus de morbo nostro probe perpendit, symptomatum eundem concomitantium rationem reddere facile poterit. Insignis virium prostratio & lipothymia sanguinis per hæmorrhagiam jacturæ partim, partim insigni ejusdem in ventriculi intestinorumque cavo corruptioni, qua non solum nervi; sed & ipsum cerebrum male afficiuntur, adscribi debent. Post vomitum paulo melius habere videntur ægrotantes, quoniam excussa materia peccante, factis quasi per breve temporis spatium induciis, ventriculus non continue gravatur, neque nervi cerebrumque male afficiuntur. Nec inediam, nec copiosorem perferre possunt cibum ægrotantes: priori enim in casu acidum in ventriculo hærens nerveam tunicam continuo stimulat famemque excitat, & ad os usque ascendens eodem sapore salivam imbuit, flatus vero vacua & debilitata intestina pervagantes strepitus & murmura edunt. Sin vero debilem ventriculum cibus nimium replent, non solum ponderis sensum in eo percipiunt; sed & pectorio in pectore & dorso excruciantur dolore, quoniam a majori ciborum copia expansus nimium ventriculus non solum sub-

strata



strata ipsi majora vasa comprimendo sanguinis cursum pectus & caput versum determinat, sed & liberum diaphragmatis descensum impediendo pectoris capacitatem angustat, unde sanguis remorata sufficienti pulmonum expansione in illis vicinisque partibus accumulatur, stagnat & dolorem puncturium post se ducit. Laterum dolor, imprimis in sinistro sese exserens hypochondrio, incarcerationos in intestini coli a tumente Liene compressi flexura flatu pro sui causa cognoscit. Capitis dolor & transitoria cœcitas itidem impedito per abdominis viscera sanguinis circulo imputari debent; humores enim majori in quantitate ad superiora ruentes membranarum cerebrum & calvariam cingentium vasa nimium distendunt, unde cephalalgia, & a compressis opticorum nervorum thalamis cœcitas pendent. Sub inordinato tali humorum motu minime mirandum, si leves febriles motus quandoque simul concurrant.

§. XIII.

Morbi nostri *prognosis* quod spectat, notandum: quamvis HIPPOCRATES passim in scriptis suis (b) „Dejectiones nigras, qualis sanguis niger, sponte prodeuntes, & cum febre & sine febre pessimas pronunciet, & eos quibus (i) ex morbis acutis, aut ex diuturnis, aut ex vulneribus, aut aliter quocunque modo extenuatis, bilis atra, vel qualis sanguis niger prodierit, postridie mori affirmet; magis tamen fausta de nostro prædicit affectu;” nam, quæ cum feceris, inquit (§. 2, in fin.), cum ætate etiam morbus fugit, etiamsi corpus ad senectutem comitetur. Si vero corpus denigretur, id est, si niger color, & per consequens etiam vitiosus humor (k) ad corporis superficiem transfunditur, ad mortem usque comitatur. Ad chronicos ergo potius quam acutos referendus est morbus noster, sæpiusque imprimis si a viscerum imi ventris obstructione aut scirrho foveatur, aut

frequentius recurrit, in Ascitem (l) transit. Quandoque vero ægrotantes, si congrua negligunt medicamenta, aut incongrua adhibent, exhaustis omnibus viribus ex ventriculi aut intestinorum gangræna discedunt (m), si mensium emissio aut suppressio malo ansam præbet, menstruis erumpentibus (n) solvitur. Si ex vanis hæmorrhoidum moliminibus aut suppressione ortum ducit, sæpiusque repetit, provocato (o), aut in ordinem redacto hoc fluxu recidiva præcavetur.

(b) APHOR. Sect. IV. 21. Coac. 612.

(i) APHOR. Sect. cit. 23.

(k) WELSCHIUS l. c. p. 189.

(l) DODONÆUS Medicinal. Observat. Cap. XXVII. p. 45.

(m) Recueil periodique &c. l. c. p. 87. & BONATUS Medic. septentr. Lib. III. Sect. V. C. IV. p. 528.

(n) HIPPOCRATES Aphor. Sect. V. p. 32.

(o) PLATERUS l. c. p. 780.

§. XIV.

Nostri affectus ad curam nunc devolvimur, quam in duas dividimus partes. Primo enim, quid in ipso sit agendum paroxysmo, dicemus & secundo, quam Medicus methodo extra eundem morbum expugnare atque recidivam præcavere debeat, indicabimus.

I. In paroxysmo sequentes adimplendæ veniunt Indicationes. 1) Superstites vitæ vires sustinendæ. 2) Ulterior sanguinis extravasatio & putrefactio impedienda. 3) Actu extravasatus quantocius per convenientia loca eliminandus est.

Primam atque secundam indicationem commode invicem combinare, iisque simul satisfacere possumus. Virium enim prostrationem & lipothymias hæmorrhagiæ partim, partim stagnanti in ventriculi intestinorumque cavo corrupto, nervos ipsumque cerebrum male afficienti sanguini adscribendas esse (§. 12.) innuimus. Quando itaque ulteriorem convenienti medicina impedimus hæmorrhagiam, sanguinisque præcave-

mus corruptionem putredinemque, superstites vitæ vires simul sustinemus, & de eadem sic fidelia duos dealbamus parietes. Cunctis vero remediis quibus a Therapiæ scriptoribus hæmorrhagias sistendi, humorum putredinem arcendi, viresque refocillandi virtus tribuitur, palmam, nostro in morbo, facile præripiunt Acida tam ex vegetabili quam minerali regno petita, qualia sunt: Acet. simpl. & destill. Suec. Limon. Pomor. Citr. Aurant. Berber. &c. recenter expressus, & ex his confecti syrupi: — \ominus is & \oplus i dulc. Liq. Anod. min. Hoffmann. Essent. Rabel. &c. Hæc enim volatiles sulphureas sanguinis partes ligando intestinum earundem motum figunt, sicque sanguini ob incipientem putredinem resolutio debitam reddunt consistentiam, & ne facile e vasis prorumpat, impediunt; cumque sanguinis putredo a plenaria constitutarum partium resolutione, principiique alcalino-sulphurei evolutione pendeat, acida, alcali infringendo putredini potenter resistunt, & ideo non solum optima sunt analeptica, quæ nostro in morbo conveniunt, sed & velociorem sanguinis circulum cicurando diaphoresin egregie promovent, cujus in sistendis hæmorrhagiis efficaciam mox demonstrabimus.

§. XV.

Ulteriorem hæmorrhagiam quoque præcavent ea medicamenta, quæ acredinem primarum viarum imbibendo abdominalium viscerum spasmos tollunt, sicque progressivum sanguinis per totum corpus motum æquabilem reddendo, eundem a centro ad peripheriam dirigunt, & transpirationem adjuvant. Ita hepar, lien, ventriculus & intestina a nimia sanguinis quantitate (§. 9. & 10.) pedetentim liberantur distenta ultra modum vasa sese contrahunt, ad naturalem suam diametrum redeunt, aperta oscula clauduntur & hæmorrhagia sistitur. Pertinent ad hanc classẽ Lapid. Cancr. ppt. C. C.

pph. ppt. Unicorn. ver. Dens. Hippopot. Ungul. Alc. Lap. Ma-
nat. Succin. Castor. Gum diaphor. Bezoard. min. Oum
Camphor. &c., quæ vel sub pulveris forma, vel cum dia-
pnoicis aquis, v. g. Aq. Card. bened. Mar. Sambuc. &c., in
Mixturam redacta cumque Syrup. Acetos. Citr. vel Granat.
edulcorata omni tihorio convenienti dosi exhiberi possunt.
Modo (§. præced.) laudata Acida vero vegetabilia cum aqua
pura fontana misceri potusque ordinarii loco usurpari debent,
de quo parvis ast repetitis vicibus bibendum. Quodsi vero
jam per aliquot tempus duravit morbus, vires insigniter fra-
ctæ sunt, & lipothymix sæpius recurrunt, aquæ fontanæ Ra-
bellii Essent. ad gratam aciditatem usque instillari & potus or-
dinarii loco exhiberi potest. Colicos dolores, si concurrunt,
Ol. Amygd. dulc. cum Syrup. alth. Papav. alb. mixtum
egregie sopit.

§. XVI.

Interponi hisce remediis quotidie debent Clysteres emol-
lientes, qui intestinorum spasmos relaxando progressivum hu-
morum per vasa motum non solum egregie adjuvant, sed &
peccantem materiam, id quod 3) *Indicationis* scopus est,
blande foras educunt. Quando horum remediorum ope ni-
gricantis materiæ excretio imminui incipit, id quod sedatæ
hæmorrhagiæ. occlusorumque iterum vasculorum signum est,
ægerque aliquale virium incrementum percipit, nec amplius
a lipothymiis infestatur, alternis ipsi diebus evacuans quod-
dam Remedium exhibendum est. Huic scopo vero minime
fortioribus atque drasticeis, resinosis scilicet, aloëticis &c. quæ
sua acredine atque spasticis, quas producere solent, constri-
ctionibus consolidata modo vasculorum oscula denuo a perire
novamque excitare hæmorrhagiam possent satisfaciendum;
sed rejectis etiam Rhabarbariis, Sennatis, ⊖ mediis lenissi-
ma tantum & eccoprotica, v. g. Tamarindi, cassia eorumque
Pulpa

Pulpa in usum vocari debent; hæc enim clementissime alvum subducunt, & ob acidum quod secum vehunt, humorum putredini simul resistunt, refrigerantemque virtutem possident. Tandiu vero his insistendum, donec evacuatâ omni materia peccante, naturali tinctæ colore feces iterum prodeant. Venæsectioni, quam debita sub cautela Hippocrates suadet, in ipso paroxysmo raro locus est, pulsus enim, qui ut plurimum parvus & concentratus micat, insignè virium decrementum. & lipothymix eandem contraindicant, & ideo præservandi potius quam curandi scopo utilis videtur.

§. XVII.

Quoad dietam, æger durante morbo transpirationem omni studio promoveat; extremitates frigidæ calefactis linteis sæpius foveantur: frigidi enim pedes salutarem adeo cutis excretionem retardant, & sanguinem ex externis partibus interiora versus repellendo, ulteriori sanguinis eruptioni ansam præbent. Jusculis tantum vitulinis aut gallinaceis & hordei aut oryzae cremore nutriatur, & ordinarii potus loco aquarum purarum fontanarum Limonum syrupo aut alio ex supra (§. 14.) laudatis edulcoratam & acidulatam bibat.

§. XVIII.

Extra paroxysmum & morbo finito mali nostri fontes, quorum præcipuos Plethora, Viscerum imi ventris obstructions, Mensium & Hæmorrhoidum fluxus suppressus (§. 10.) constituunt, obturandi sunt, ut morbus radicitus tollatur & recidiva præcaveatur.

Superfluum sanguinis quantitatem intra breve temporis spatium imminuit V. S. quæ deperditum solida inter & fluida æquilibrium restituendo progressivum & intestinum sanguinis motum promovet, ejusque spissitudinem atque stagnationem
sic

sic optime præcavet. Nunquam ergo plethorici, qui semel morbo nostro laborarunt, hocce remedii genus longius differre, sed circa solstitia & æquinoctia viribus proportionatam sanguinis quantitatem e vena secta mittere debent; cumque ea, quæ serosas excretiones adjuvant, semper etiam sanguinis massæ aliquid detrahant, V. Soni commode alvi purgatio per lene remedium laxans rhabarbarino-tamarindinatum aut cassiatum subjungitur. Quoniam porro plethorici sanguinis jacturam facile refarciunt, jurulentum e succulentis carnibus paratum victum cum vegetabili commutent, & parciori insuper manu capiant: cumque plethoricorum sanguis justo densior esse soleat, spirituosus potus loco bonæ notæ aquam, simplicem aut mineralem quandam, aut ex leniter resolventibus paratam Ptisanam, cui interdum optimi cujusdam Vini haustum interponant, pro ordinario potu usurpent; quam maxime quoque plethoricis Lactis serum (§. 2.) vel acidum, vel dulce, vel Lac ebutyratum convenit. Insignem præterea ad imminuendam plethoram, *nisi jam nimium aucta sit*, vel potius ad eam *præcavendam* præstat utilitatem moderatum corporis exercitium, quo non solum naturale solidorum robur firmatur, sed & omnes se-& excretiones promoventur, corpusque a superfluis humoribus liberatur. Eadem hæc præsidia feminis, quibus ob ætatem menstrua cessarunt, conveniunt.

§. XIX.

Abdominalium viscerum infarctus, hypochondriacis perquam familiares, obstructiones ut referentur, sanguinisque liber & expeditus per Venæ portæ ramificationes motus restituitur, exposcunt. Præmissa ergo, si plethora urget, V. S. expurgatisque blando laxante Rhabarbarino-Mannato primis viis, ad explendas has indicationes mineralium aquarum cum debito regimine usum satis laudare non possumus. His enim
ad

ad spissum sanguinem diluendum, obstructa viscera referanda, sanguinis circulum per totum corpus æqualem reddendum, excretiones per cutim, alvum & urinam promovendas magna inest vis, omnibusque aliis hujus generis remediis longe anteponendæ. Non omnibus vero subjectis omnes indiscriminatim conveniunt aquæ minerales, sed juxta temperamento- rum differentiam seligendæ. Cholericis, agilioris strictiorisque habitus corporibus Deinacenses, Griesbacenses, Selteranæ, Spadanæ conveniunt. Sanguineo-phlegmaticis & spongiosioris texturæ subjectis Egranæ, Petrinæ, Pyrmontanæ & Schwalbacenses profunt; ast ventriculi intestinorumque labefactato tono simul succurrendum. Hunc in finem bis quotidie, ante prandium & coenam, vel Pulvis roborans ex ꝑtis Limat. Rhabarb. Peruv. Cort. Pulv. Stomach. Birkmann. & carminativis concinnatus, vel Tinctura quædam ꝑtial. v. g. Ludov. Zwölffer. vel Elixir quoddam viscerale & Balsamicum ex Extractis amaris v. g. Cort. Chin. Cascarill. Rhabarb. Card. bened. Cent. min. Gentiam rubr. in liquore quodam Thino, v. g. Liquor. aperit. min. Arg. ex ꝑr. & Do Schroed. solutus paratum propinari debet.

§. XX.

Quodsi malum vel a menstruorum vel hæmorrhoidum suppresso fluxu foveatur, optime morbi minera præscinditur, quando naturales sanguinis evacuationes in ordinem rediguntur, revocanturque. Præmissis ergo præmittendis, evacuationis, scilicet V. S. primarum viarum expurgatione, spissi sanguinis dilutione, in quem finem mineralium aquarum usum denuo commendamus, sanguis versus consuetum ante suppressionem tempus ad excretionis organa blande derivandus & ad exitum stimulandus est. Huncce scopum adimplent 1) Tepide adhibita pediluvia. 2) V. S. derivandi sine in pede instituta, & 3) temperatorum emmenagogorum, v. g. Pillul. balsamic. Beccher. aut Stahl. usus. Hystericas morbum nostrum perpeffas eadem adjuvant remedia, utplurimum enim

enim hysterica passio vel ab inordinato & impedito aut plaine suppresso catameniorum fluxu fovetur.

§. XXI.

Cum tandem remedia, quamvis selectissima optatum rarissime aut nunquam edere soleant effectum, nisi recto sex rerum non naturalium usu eorundem virtus adjuvatur, ii, qui ex nostro convalescere morbo, strictissime sequentes observare regulas diæteticas debent.

I. Contra frigidioris aëris injurias convenienti corpus suum muniant vestitu, solisque radios sollicitè fugiant.

II. Flatulentis, leguminosis, acribus, salitis, fumo induratis, dulcibus, ossis pinguibusque Cibis, ut & spirituosio, inebriante, non rite fermentato aut defecato abstineant potu, horumque loco facilis digestionis alimentis & diluente potu (§. 18.) utantur.

III. Diutius protractus somnus & nimia quies hic æque nocent, ac pervigilium, & vehementior corporis motus, ardente inprimis sole, aut post pastum statim susceptus, perquam e contrario iis moderatus corporis motus utilis est.

IV. Mensium vel hæmorrhoidum negotium, ut bene procedat, omni studio curare debent. Consuetas vero artificiales sanguinis evacuationes, vernaes & autumnales saltem, non negligant. Nisi quotidie respondeat alvus, emolliente solvenda clystere. Nimia venus fugienda.

V. Graviora animi pathemata, iram, terrorem, tristitiam & mororem sollicitè vitent, & animi tranquillitati & hilaritati studeant.

VI. Balneis calidis, sanguinem exæstuantibus minime utantur.

Sed vela hic contrahimus, & si quædam non nitide satis dicta, secundum artem disposita, insufficienter explicata aut erronea plane in hoc occurrant specimine, ut B. L. ingenii viriumque tenuitati, aliquid condonet, decentibus formulis rogamus.

· F I N I S .